



## **LEMBAGA PELABUHAN KELANG**

Beg Berkunci 202, Jalan Pelabuhan Utara, 42005 Pelabuhan Klang  
Tel: 03-3168 8211 Faks: 03-3168 8228

### **KENYATAAN MEDIA**

**27 Julai 2021 (Selasa)**

#### **10,000 PETUGAS BARISAN HADAPAN DALAM SEKTOR PENGANGKUTAN (MARITIM) SELESAI TERIMA DUA DOS VAKSIN**

1. Lembaga Pelabuhan Kelang (LPK) telah menyempurnakan Program Pemberian Vaksinasi Covid-19 terhadap 10,000 petugas barisan hadapan dalam Sektor Pengangkutan (Maritim) pada 27 Julai 2021 setelah semua penerima vaksin menerima 2 dos suntikan.
2. Fasa pertama Program Vaksinasi Sektor Pengangkutan (Maritim) yang dikendalikan oleh LPK dengan kerjasama Jabatan Laut Malaysia, Northport (Malaysia) Bhd, Westports Malaysia Sdn Bhd dan Port Klang Free Zone dilancarkan pada 25 Jun 2021 di Kelab Sukan dan Rekreasi Pelabuhan Klang.
3. Jumlah pemberian vaksin yang dilakukan setakat ini merangkumi 40% daripada jumlah tenaga kerja pelabuhan dan logistik di sekitar Pelabuhan Klang termasuk pelaut dan pekerja pelabuhan.
4. Program vaksinasi diharapkan dapat mengurangkan kes dengan gejala yang serius serta dapat melegakan tekanan kepada hospital selain membantu negara mencapai imuniti kelompok yang disasarkan. Walaupun telah mendapat vaksin Covid-19, orang ramai harus terus mematuhi prosedur operasi standard (SOP) yang ditetapkan oleh Kementerian Kesihatan sebagai usaha bersama memerangi wabak tersebut.
5. LPK sedang bekerjasama erat dengan Kementerian Pengangkutan (MOT) dan Kementerian Sains, Teknologi dan Inovasi (MOSTI) untuk melaksanakan program pemberian vaksin tambahan kepada seramai 15,000 orang petugas barisan hadapan pelabuhan dan logistik di Pelabuhan Klang di bawah fasa kedua program ini yang dijangka akan dimulakan secepat mungkin.
6. LPK mengucapkan terima kasih kepada MOT, MOSTI, Protect Health dan para sukarelawan di atas sumbangan mereka yang tidak ternilai bagi memastikan pelaksanaan program berjalan lancar dan teratur.

#### **KAPT. K. SUBRAMANIAM**

Pengurus Besar

Lembaga Pelabuhan Kelang

Tel : 03-3168 8211

Emel: commercial@pka.gov.my

..... TAMAT .....